

# Algert getu- og viljaleysi

DV  
10.11.193

04.11

„Eftir áratuga baráttu eru íslenskar konur ennþá með rúmlega 50% lægri tekjur en karlar. Konur hafa ítrekað leitað eftir stuðningi verkalýðshreyfingarinnar án sýnilegs árangurs. Getu- og viljaleysi hennar til að takast á við launamisrétti kynjanna virðist algert,“ segir í ályktun um atvinnumál sem samþykkt var á landsfundi Kvennalsitans um síðustu helgi.

Að sögn Kristínar Halldórsdóttur, starfsmanns þinglokks Kvennalistsans og fyrrum alþingismanns, var þetta mjög þungur fundur þar sem bar á töluverðri reiði og svekkelsi vegna áhugaleysis stjórnvalda og verkalýðshreyfingarinnar á stöðu kvenna í þjóðfélaginu, sérstaklega á vinnumarkaðnum.

Í ályktun um atvinnumál segir að af einum milljarði, sem var ætlaður til atvinnusköpunar í tengslum við gerð kjarasamninga, hafi ríkisstjórnin varið rúmlega 900 milljónum til að skapa störf fyrir karla en 80 milljónum til atvinnuuppbyggingar fyrir konur en konur hafi verið í meirihluta meðal atvinnulausra.

Vilja kvennalistakonur að lánastofnun þar sem konur hefðu forgang verði komið á fót svo frumkvæði þeirra og hugmyndir um atvinnusköpun verði virtar.

Þá segir í ályktun fundarins að miðstýring, ofstýring og vingulsháttur stjórnvalda um árabíl hafi valdið miklum óskunda og að þeir sem taki ákvarðanirnar séu ekki í tengslum við fólkíð. -hlh

## 2 FRÉTTIR/INNLENT 7.11.193

MORGUNBI

### Landsfundur samtaka um Kvennalista

# Þungi á launa- og kjaramálum

**MIKIL þátttaka og góður andi er á Landsfundi samtaka um Kvennalista sem nú stendur yfir á Löngumýri í Skagafirði að sögn Þórunnar Sveinbjarnardóttur starfskonu Kvennalistsans. Hún segist ekki eiga von á sérstökum átakafundi. Aðalmál fundarins eru launa- og kjaramál kvenna.**

Landsfundur hófst á föstudag. Voru þá afgreiddar breytingar á lögum og starfsreglum samtakanna og reikningar og skýrsla stjórnar samþykkt í kjölfarið. Eftir á hlýddu þátttakendur á erindi Maríu Jóhönnu Lárusdóttur, „Flökkusagnir um kvennahreyfingar“, og var spjallað um inntak þess frameftir kvöldi.

Fyrir hádegi á laugardag voru haldin framsöguerindi og rætt um sjávarútvegs-, landbúnaðar-, atvinnu- og ríkisfjármál í hópum fram eftir degi. Tók þá við umræða um launa- og kjaramál. Þórunn sagði

að brún kvenanna væri þyngst varðandi þessi málefni. „Við ætlum að spá í hvort verkalýðshreyfingin sé í raun og veru nothæf í launabaráttu kvenna. Hvað hún geri og hvernig hún standi,“ sagði Þórunn. Hún sagði að rætt yrði um nýsköpun og atvinnuátaksverkefni fyrir hádegi í dag.

Þórunn sagði að 80 konur sætu fundinn. „Þátttakan er góð og nokkuð jöfn úr kjördæmum. Sérstaklega er þó auðvitað vel mætt af Norðurlandi. Andinn er líka góður,“ sagði Þórunn.